

Շուշանիկ ՏԵՐ-ԱԴԱՍՅԱՆ

ԿԵՐՊԱԺԱՍՄԱՆԱԿԱՅԻՆ ՓՈԽՀԱՐԱԲԵՐՈՒԹՅԱՆ ՏԻՊԱԲԱՆԱԿԱՆ ԲՆՈՒԹԱԳԻՐԸ ԳԵՐՄԱՆԵՐԵՆՈՒՄ

Հայտնի է, որ ինչպես շատ լեզուներում, գերմաներենում ևս բայական համակարգի դաշտը իրացվում է ժամանակի, եղանակի, դեմքի, թվի և սեռի քերականական կարգերով: Ամեն մի քերականական կարգ աչքի է ընկնում իր դաշտի կառուցվածքային ինքնատիպությամբ՝ իրեն հասուկ միջուկով և միջուկին հարաբերող տարրեր ենթադաշտերով, որոնց միջև առկա են տարաբնույթ, բայց և համակարգված հարաբերություններ: Ենթադաշտերը գետեղվում են դաշտի տարրեր բևեռներում, որոնք միաժամանակդեմ հարաբերակցում են ոչ միայն միջուկին, այլև միմյանց¹: Այդպիսի ներքին կապ գոյություն ունի բայի կերպի և ժամանակի, կերպի և սեռի միջև: Խոսելով ժամանակի և կերպի քերականական կարգերի մասին, նշենք, որ առավել հետաքրքրություն են ներկայացնում տվյալ լեզվում ժամանակի և կերպի քերականական իմաստների արտահայտման կաղապարները, սրանց միջև գոյություն ունեցող փոխհարաբերությունը: Ի տարբերություն անզերենի, որի կերպայնության դաշտի միջուկն իրացվում է կերպի քերականական կարգով, գերմաներենում կերպայնության դաշտի միջուկը դատարկ է մնում²: Կերպայնության դաշտը համարվում է կերպայնության իմաստի բառային և քերականական միջոցներով, որոնք համակարգայնության շնորհիվ կենտրոնանում են միջուկի շուրջ և շորինիվ այս հարաբերակցման վերծանում են կերպաժամանակային հարաբերությունները լեզվում: Միջուկում կենտրոնացված է կարգային նշանակությունը, իսկ դաշտի եզրերում՝ ոչ կարգային՝ ածանցյալ նշանակությունները: Ուստի գերմաներենում կերպի կարգը սահմանելիս պետք է նրա կարգային նշանակությունը սահմանել ոչ թե միջուկում, այլև միջուկին առավել մոտ տեղակայված կերպայնություն ներառող ենթադաշտում, որը փաստորեն կարելի է դիտել որպես կերպայնության իմաստային դաշտի պայմանական կենտրոն, և որը բնորոշվում է այլ ենթադաշտերի հետ իր հարաբերություններով:

Այսիսկ, գործելակերպի ենթադաշտի հետ սերտ հարաբերության պատճառով կերպիմաստը հաճախ նույնացվում է բայիմաստի հետ: Իրականում, սակայն, սրանք տարրեր լեզվական երևույթներ են, որոնց տարրերակման հարցում անտեսակում են նրանց հիմքում ընկած տարրերակիչ հատկանիշները, քանի որ երկու դեպքում էլ առկա է գործողորդյան բնույթի հաղորդման գործառույթ: Այստեղից էլ հետևում է կերպի և գործելակերպի նույնացումը³: Ուստի, կերպի՝ որպես կերպայնության հատկանիշի հիմնական միջոցի ուսումնասիրության ժամանակ, անհրաժեշտ է սահմանազատել կերպ (Aspekt) և գործելակերպ (Aktionsart) հասկացությունները, որոնք ներկայանում են որպես ժամանակի հետ սերտորեն առնչվող լեզվական իրողություններ: Կերպը բնորոշվում է որպես վիճակի ներքին ժամանակային բաղկացուցիչ: Կերպը չի վերաբերում խոսքի պահի մեջ այլ ժամանակային կտորի նկատմամբ գործողորդյան կամ եղելության հարաբերությանը, այլ այն ներկայացնում է վիճակի ներքին ժամանակային բովանդակությունը:

Գործելակերպի տակ ենթադրվում է բայիմաստին ներկատուկ ժամանակային կառույց: Գործելակերպի արտահայտած ժամանակային կառույցը պայմանակրոկած է բայի բառային նշանակությամբ, մինչդեռ կերպը ձևաբանորեն է կցվում բային: Այդ պատճառով անհրաժեշտ է տերմինարանորեն տարանջատել ձևաբանական կերպ և բառային գործելակերպ հասկացությունները:

Բայական ձևաբանական կերպը սերտ միասնության մեջ է գտնվում ժամանակի կարգի հետ: Ավանդական քերականական տերմինարանությունը դեռ հստակորեն չի տարանջատել այս երկու հասկացությունները, ինչը երբեմն կարող է հանգեցնել դրանց

¹ Ա. Հ ովհաննիս, Կերպի քերականական կարգ, Եր., 1992, էջ 11:

² Նոյնիպես:

³ J. Erben, Deutsche Grammatik, Max Hueber Verlag, München, 1972, s. 100:

ծովալմանը: Ինչևէ, շատ վարկածներով կերպը և ժամանակը նույնացվում են, սակայն անհրաժեշտություն կա առավել համակարգված կերպով քննության ենթարկել կերպի և ժամանակի միջև գոյություն ունեցող սերտ կապը, ինչող չի կարող պատճառ հանդիսանալ դրանց նույնացման համար: Այլապես դա կնշանակեր տվյալ քերականական կարգի գործառությի արհեստական կցում ժամանակի քերականական կարգին:

Կերպի և ժամանակի միջև գոյություն ունեցող հետաքրքիր կապերից մեկը բացահայտվում է այն դեպքում, եթե կերպային հակադրությունը սահմանափակվում է մեկ ժամանակով (երբեմն հնարավոր է նաև մեկից ավել ժամանակներով): Ասկածը պարզ դարձնելու համար նշենք, որ կերպային իմաստի բացահայտման նպատակով պետք է քննության ենթարկել ժամանակային ձևերն ըստ իրենց խոսքում իրացման հնարավորությունների՝ առաջնային և երկրորդային իմաստների, ինչը հնարավորություն է տալիս առավել հատակորեն բացահայտել կերպային դրսւորումները: Գերմաներենում (ինչպես և հայերենում) ներկա ժամանակը կիրառվում է իմմանականում նկարգրելու, բնութագրելու, խոսքի պահի արդիական լեզվական իրողության արձանագրման գործառություն՝ իրացվելով որպես անկատար կերպային արտահայտություն: Ժամանակի համակարգում միակ ժամանակային ձևը, որն առավել հաճախ է իրացվում կերպային իմաստի արտահայտման ժամանակ, անցյալ ժամանակն է: Անցյալ ժամանակը գերմաներենում ներկայացվում է 3 ժամանակային ձևերով՝ Präteritum (անցյալ կատարյալ և անցյալ անկատար), Perfekt (վաղակատար ներկա) և Plusquam-perfekt (վաղակատար անցյալ):

Կերպաժամանակային փոխհարաբերության հարցի ուսումնափրության տեսակետից իմմանական հետաքրքրություն ներկայացնում են Präteritum և Perfekt ձևերը, որոնք բայի հարացույցում հակադրություն չեն կազմում, դրանց միջև տարրերակիչ կարգային նշանակություն գոյություն չունի: Հռմանից հանդիսացող այս երկու ժամանակային ձևերի տարրերակած կիրառության իմքում որոշ քերականներ դնում են կերպիմաստը՝ մի դեպքում Perfekt-ը (վաղակատար) դիտելով որպես կերպ, մի այլ դեպքում՝ որպես ժամանակային կատույց⁴: Մինչդեռ կերպը չի կարող դիտվել ժամանակից անկախ, այն ներկայացնում է ժամանակային և կերպային հարաբերություն:

Präteritum ժամանակային ձևը գերմաներենում հանդես է գալիս որպես հայերենի անցյալ կատարյալ և անցյալ անկատար ժամանակային ձևերի հոմանիշ, որի կերպային վերաբերությունը խոսքում կոնկրետացվում է բառային միջոցների հավելումով: Սույն ժամանակային ձևերի արտահայտած իմաստային դրսւորումները գերմաներենում (կերպիմաստ, գործողության բնույթի իմաստ) լիովին կախվածության մեջ են համատեքստից և բացահայտվում են բացառապես լեզվական միջոցների առկայության պայմաններում, ինչն էլ հնարավորություն է տալիս տարրերակի գործողության բնույթը՝ կատարյալ կամ անկատար կերպային հատկանիշի վերաբերությամբ, ինչպես օրինակ՝

Als ich ankam, kochte sie Kaffee.

Եթե ես ներս մտա, նա սուրճ էր եփում / եփեց:

Այս տիպի նախադասությունները գերմաներենում կարող են ցուցաբերել բազմաստություն: Կարող է նշանակել, որ սուրճի եփելը ներս մտնելու պահին արդեն ընթացքի մեջ էր, կարելի է նաև ենթադրել, որ այն տեղի է ունենում ներս մտնելու արդյունքում: Այս դեպքում, սակայն, ցանկական է բառային առկայացուցիչների ներգրավվումը, որոնք բայի արտահայտած կերպիմաստը հատակեցնում են կատարյալ-անկատար կերպի սահմաներում:

Als ich ankam, kochte sie gerade Kaffee.

Եթե ես ներս մտա, նա հենց այդ ժամանակ սուրճ էր եփում:

Als ich ankam, kochte sie sofort Kaffee.

Եթե ես ներս մտա, նա անմիջապես սուրճ եփեց:

Առաջին դեպքում գործ ունենք անկատար, ընթացքի մեջ գտնվող գործողության հետ, որի ավարտը, սակայն, ակնհայտ չէ: Երկրորդ դեպքում մի գործողության,

⁴ O. Moskalskaja, Grammatik der Deutschen Gegenwartssprache, Moskau, 1975, s. 105:

որք տեղի է ունենում մեկ այլ գործողության հետևանքով, որի ավարտն ակնհայտ է: Սի դեպքում առկա է անվատար, մյուս դեպքում կատարյալ կերպիմաստ :

Ինչ վերաբերում է Perfekt ժամանակային ձևին, ապա հարկ է նշել, որ այս ժամանակային ձևը խիստ իրարամերժ մեկնարանությունների տեղիք է տալիս իր երկակի բնույթի պատճառով՝ հանդես գալով մեկ որպես բացարձակ, մեկ որպես հարաբերական ժամանակային ձև: Այն նշում է գործողության համար ավարտվածության, կատարյալ վիճակի գաղափար: Երբեմն կրչվում է նաև կատարյալ բայաձև՝ որտեղ գործողության ավարտվածության, կատարյալության հատկանիշն արտահայտվում է Partizip 2-ով և կապվում ներկայի հետ օժանդակ բայի ներկա ժամանակով՝ արտահայտելով հարաբերություն ներկա վիճակի և անցյալի միջև:

Gestern hat es geregnet, der Boden ist noch nass.

Սակայն Perfekt ժամանակաձևի կապը ներկայի հետ այնքան աննշան է, որ այն թույլ է տալիս համապատասխան համատեքստի առկայության պայմաններում վաղակատարը տեղակայել անցյալի եզրում՝ փոխարինելով անցյալ կատարյալին:

Auch ich habe den Wert der Zeit einst überschätzt, darum wollte ich 100 Jahre alt werden.

Մինչդեռ անցյալ կատարյալի դեպքում տվյալ կապը ներկայի հետ լրիվ խզվում է՝ ներկայանալով բացառապես անցյալի եզրում տեղակայված բայաձև, որը պարտադիր կերպով հարաբերում է անցյալի ժամանակային կենտրոնի հետ: Ժամանակակից Perfekt ժամանակային ձևի այս առանձնահատկությունը կապված է որոշակի ձևով նրա հետևանքային նշանակության հետ: Ընդ որում, հետևանքայնությունը հանդես է գալիս որպես Perfekt –ի նշանակության շարակելուսական նրբերանզներից մեկն այն դեպքում, եթե դրա համար առկա է համապատասխան համատեքստ.

"Du bist verwegen, Philinie!" rief sie aus, "Ich habe dich verzogen."

Perfekt-ը նաև կարող է արտահայտել գործողություն, որը չի նշում ներկայի վերաբերություն՝ հանդես գալով որպես բացարձակ անցյալ ժամանակային ձև, ինչպես այսպես կոչված Schlussperfekt-ի դեպքում, օրինակ՝ "Handwerker trugen ihn. kein Geistlicher hat ihn begleitet."

Լեզվական փաստերի համադրումը Perfekt-ի ուսումնասիրության ժամանակ հանգեցնում է այն իրողությանը, որ հնարավոր չէ հստակ տարանջատել կերպի և ժամանակի սահմանները սույն ժամանակաձևի մեջ: Այն իր մեջ ներառում է կերպային և ժամանակային տարրեր՝ ներկայանալով որպես կերպաժամանակային ձև, որում միահյուսված արտահայտություն են գտնում թե՛ ժամանակի, թե՛ կերպի դրսորումները: Անցում կատարելով Plusquamperfekt-ին՝ հարկ է նշել, որ այն հանդես է գալիս բացառապես որպես բացարձակ ժամանակային ձև: Ի տարրերություն, սակայն, Perfekt-ի՝ նրա բացարձակ նշանակությունը խիստ սահմանափակ է: Plusquamperfekt-ի գործառույթն է անցյալի այնպիսի գործողության, եղելության հաղորդումը որպես ավարտված կատարված գործողության, որը նախորդում է անցյալի մեկ այլ գործողության, եղելության, այսինքն արտահայտում է նախաժամանակյա գործողության իմաստ:

Weil Paul das Büro verlassen hatte, kam ich nicht hinein.

Անցյալին նախորդող ժամանակը արտահայտվում է հանդակ և սեղ օժանդակ բայերի միջոցով և Partizip 2 հարակատար բաղադրիչով, որը պահպանում է նախաժամանակայնության այն ընդհանուր իմաստը, ինչը առկա է Perfekt-ի դեպքում:

Սույն ժամանակաձևի ձևաբանական և իմաստային առանձնահատկությունների նկարագրությունը լիովին բացահայտում է տվյալ ժամանակաձևի տիպարանական բնութագիրը: Խոսելով, սակայն, դրա գործառույթային առանձնահատկություններից՝ հարկ է նշել, որ այն գործածվում է այնպիսի նախադասություններում, եթե գործառույթունների հաջորդականությունը չի համապատասխանում իրականությանը կամ հաղորդվում է ավելի վաղ կատարված գործողությունների մասին ավելի ուշ կատարվածներից հետո, ինչպես ներկայացված է սոորեն բերված օրինակում:


Seit manchem Jahr hatten die Buddenbrooks sich der weiteren sommerlichen Reisen entwöhnt, die ehemals üblich gewesen waren ...

Այն կարող է նաև գործածվել Präteritum-ի փոխարեն՝ տեղափոխվելով էպիկական պատմվածքի ոյորու՝ չնշելով նախաժամանակյա գործողության իմաստ:

"Senator Buddenbrock war an einem Zahne gestorben", hieß es in der Stadt.

Այսպես, ժամանակային ձևերի առավել հանգամանայի ուսումնասիրությունը ցոյց է տալիս, որ գերմաներենում ժամանակային ձևերը ընդհանուր առմամբ կերպի նկատմամբ չեղոք են: Սակայն դրանց քննությունը շարակարգային առանցքում բոլոյ է տալիս բացահայտել գերմաներենի ժամանակային ձևերի՝ իրենց համար ոչ հատկանշական կերպային դրսերումները:

Այսպիսով, կերպայնության իմաստային դաշտը կազմող բառային և քերականական միջոցների ամբողջական պատկերը կարելի է ներկայացնել հետևյալ կերպ:



Կերպայնության դաշտը ներառող վերը նշված միջոցների թվում կարևորվում է նաև բայական նախածանցների դերը, որոնց հավելումով բայական կերպի նկատմամբ չեղոք բայերը ձեռք են բերում որոշակի կերպիմաստ, ինչպես օրինակ՝ *trinken* և *auftrinken*, *kämpfen* և *erkämpfen*: Առաջին դեպքում *trinken* նշանակում է պարզապես խմել, *auftrinken* սակայն՝ մինչև վերջ խմել, այսինքն՝ *auf-նախածանցի հավելումով բայը* ձեռք է բերում գործողության ավարտվածության իմաստ, ինչպես օրինակ՝

Die Partisanen kämpften für den Frieden ihres Landes.

Die Partisanen erkämpften den Frieden ihres Landes.

Առաջին դեպքում նշված է պարզապես բայական գործողություն՝ առանց գործողության ելքի վերաբերյալ որևէ ակնարկի: Երկրորդ դեպքում, սակայն, հաղորդվում է պայքարելու գործողության հաջողությամբ պսակված ավարտի մասին: Այս դեպքում կերպը հանդիս է գալիս որպես զուտ ձևակազմական երևոյթ:

Գերմաներենում կերպայնության իմաստի արտահայտման միջոցները բազմազան են, այնուամենայնիվ, պարզ է, որ նախադասության կերպային կենտրոնը բայի է, որը կերպային տեսակետից իրական գնահատականը ստանում է միայն համապատասխան համատեքստի առկայության պայմաններում, ամբողջական նախադասության ներծավալման մեջ՝ ներգրավելով բառային և շարահյուսական գործոնների ամբողջությունը, որոնց ազդեցությամբ է միայն հնարավոր որոշակի կերպիմաստի դրսելություն: Այս ամենը հնարավորություն է տալիս կերպի կարգը գերմաներենում դիտել որպես բառային քերականական կարգ:

ТИПОЛОГИЧЕСКАЯ ХАРАКТЕРИСТИКА ВИДОВРЕМЕННЫХ ВЗАИМОСВЯЗЕЙ В НЕМЕЦКОМ

— Резюме —

— III. Тер-Адамян —

В этой статье обсуждаются видовременные взаимосвязи в немецком языке. Семантическое поле глагола в немецком языке реализуется грамматическими категориями времени, числа, лица, залога. В современной немецкой грамматике обсуждается также понятие „вид“. Категория вида состоит в тесной взаимосвязи с грамматической категорией времени. Для выражения данных грамматических значений важны в немецком языке не только грамматические, но и лексические средства. И так, категория вида в немецком языке характеризуется как лексико-грамматическая категория. Анализ данных грамматических категорий на основе сопоставлений грамматического материала в немецком языке определяет типологические характеристики данных глагольных категорий.